



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

2. Epistola Hincmari ad Hedenulfum, ut Visitatorem agat in Ecclesia
Cameracensi.

urn:nbn:de:hbz:466:1-22974

- ad Metropolitanum, ut electum ab ipsis Episcopum consecrare dignetur.
12. Epistola Senonensis Ecclesie ad Hilduinum Archiepiscopum, pro tuenda electione quam fecerunt.
 13. Examinatio VVilberthi Catalaunensis ordinandi Episcopi.
 14. Professio Adalberti futuri Episcopi Morinensis.
 15. Professio altera futuri Archiepiscopi.
 16. Tractoria Prudentij Episcopi Tricastini, cum electioni Aeneae adesse non posset.
 17. Documentum de ordinatione Electramni Episcopi Redonensis.
 18. Canonica littera ab ordinatoribus datae Hedenuiso Episcopo Laudunensi.
 19. Electio, consecratio, & inthronizatio Gauzberti Episcopi Cadurcensis.
 20. Decretum electionis Borrelli Episcopi Rotensis.
 21. Electio, consecratio, & inthronizatio ejusdem Borrelli Episcopi Rotensis.
 22. Acta electionis Riculsi Episcopi Helebensis.

Epistola Hincmari Metropolitanani ad Regem, ut clero & plebi Silvanectensi novi Episcopi electionem permitat, & Visitatorem designet qui praesit electioni.

I. **D**omino Karolo Regi glorioso sit semper salus & vita. Septimo Idus Iunij, circa horam secundam, venerunt tres Clerici & duo laici Silvanectensis Ecclesiae ad exiguitatem meam, innotescentes eandem Ecclesiam, fratre & sacerdote nostro Erpoino defuncto, viduatam esse pastore, ferentes etiam ipsius Ecclesiae tam cleri quam plebis petitionem ut eis pastor secundum sacras regulas tribuatur. Quos interrogavi si verbum haberent de pace cleri & plebis Ecclesiae ipsius ex aliqua designata persona. Qui responderunt se non aliam petitionem ex parte sociorum suorum adferre nisi ut apud solitam misericordiam vestram liberam illis ac regularem electionem obtinere satagerem: quatenus secundum sacras regulas ille, canonico Visitatore directo, ab omnibus Ecclesiae ipsius alumnis valeat eligi cui debeat ab omnibus obediri. Ego autem licet, ut praefatum est, sacerdotem vestrum Erpoinum per fratrem Hildeboldum comprehyterum nostrum VIIII. Idus Iunij defunctum audierim, non tamen statui antea dominationi vestrae quicquam inde suggerere aut pro eadem Ecclesia postulare priusquam secundum regularem morem ab ea legatos acciperem. quia, ut Leo in decretis suis dicit, si in quibuslibet Ecclesiae gradibus providentier scienterque curandum est ut in domo Domini nihil sit inordinatum nihilque praeposterum, quanto magis elaborandum est ut in electione ejus qui supra omnes constituitur non erretur? Nam totius familiae Domini status & ordo mutabit, si quod requiritur in corpore, non sit in capite. Vbi est illa beati Pauli Apostoli

per spiritum Dei emissa praecipio, qua in persona Timothei omnium Christi sacerdotum 1. Tim. 3. numerus eruditur, & proinde unicuique nostrum dicitur, Manus nemini cito imposueris, neque communices peccatis alienis. Unde religiosa sapientia vestra inter alia haec duo decreta beati Leonis sagacissime ponderabit, quibus dicit ut in domo Domini nihil sit inordinatum nihilque praeposterum. Quae si idem sanctus & sapiens ita aperte non poneret, subtilitas intellectus vestri sufficienter enuclearet. Propterea Domine reverentissime ac clementissime, dignetur mihi dominatio vestra litteris suis significare quem vultis de coepiscopis nostris ut ei ex more litteras canonicas dirigam, & Visitatoris officio fungens in eadem Ecclesia electionem canonicam faciat, & aut per se aut per litteras suas vicario suo deferente, eandem electionem cum decreto canonico singulorum manibus roborato ad me referat, ut per me ipsa electio ad dominationis vestrae discretionem perveniat. Et quia in domo Dei, ut ex verbis Leonis praemisimus, nihil auctoritas patitur inordinatum esse nihilque praeposterum, cum vota concordia cleri ac plebis in electione regulari vel vestrae dominationis consensum cognoverimus, litteras metropolitanae auctoritatis super electionem certae personae ad coepiscopos Remorum dioeceseos dirigemus, certum diem & locum eis designantes quando & quod ad ordinationem ipsius electi aut ipsi conveniant, aut litteras sui consensu per Presbyterum aut Diaconum vice sua transmittant.

Epistola Hincmari Metropolitanani ad Hedenuisum Laudunensem Episcopum, ut Visitatoris officio fungatur in electione Episcopi Cameracensis.

II. Hincmarus sanctae metropolis Ecclesiae Remorum Episcopus ac plebis

P p

Dei famulus dilecto fratri ac venerabili coepiscopo nostro Hedenulfo salutem. Dilecto fratre ac venerabili confacerdote nostro Ioanne Ecclesiae Cameracensis defuncto, hortor ac moneo dilectionem tuam, frater carissime, ut eiusdem Ecclesiae officio Visitatoris nostrae humilitatis metropolitana delegatione suscepto, ad eandem Ecclesiam quantocius studeas properare, ac assiduis hortationibus clerum plebemque Ecclesiae publice admonere festines ut remoto privato studio, uno eodemque consensu talem sibi praeficiendum expetant ac eligant sacerdotem qui & tanto ministerio dignus valeat reperiri, & a venerandis canonibus nullatenus repugnetur. Formam autem electionis, qualiter & qualem eligere debeant, tuae dilectioni transmittitur; quam publice coram omnibus tua solertia relegi faciat, ne de ignorantia se quilibet excusare praevaleat. Quae electio non tantum a civitatis Clericis erit agenda, verum & de omnibus monasteriis ipsius parochiae & de rusticarum parochiarum Presbyteris occurrant vicarij, commorantium secum concordia vota ferentes. Sed & laici nobiles ac cives adesse debebunt: quoniam ab omnibus debet eligi cui debet ab omnibus obediri. Et si post lectionem forma electionis a nobis per tuam dilectionem eis transmissa concordet omnes in quamcunque regularem personam inveneris, moneas eos decreto canonico ab eis fieri ac singillatim omnium manibus roborari; & cum decreto canonico, atque cum tantis qui sufficienter omnium vice testimonium electo ferre possint, cum eis mandavero, eundem electum ad nos adducere curent.

ADMON-
TIO SIR-
MONDI.

In altera Hincmari epistola, quam eadem formula scribit ad Hadebertum Silvanectensem ut Visitatoris officio fungatur in electione Episcopi Bellovacensis post obitum Odonis, hoc solum est discrimen, quod sub initium adjecta est mentio consensu regij hoc modo: officio Visitatoris, consensu Domini nostri Ludovici Regis, nostrae humilitatis &c. Sub finem vero, verbis illis omis- sis, cum eis mandavero, paulo longius excurrit in hunc modum: eundem electum ad nos adducere tecum examinandum procura. Tua autem dilectio, frater carissime, solerti cura in hac electione invigilet, praesertim cum nobiscum tibi necesse erit ei qui ordinatus est manus imponere, qui bene nostri praecceptionem beati Pauli Apostoli per spiritum Dei emissam, qua in persona Timothei omnium Christi sacerdotum numerus eruditur. Proinde unicuique nostrum dicitur: Manu nemini cito imposueris, neque communices peccatis alienis &c.

Epistola Hincmari Metropolitanam ad clerum & plebem Cameracensem, ut canonicam electionem faciant cum Visitatore sibi designato.

III. Hincmarus sanctae metropolis Ecclesiae Remorum Episcopus, ac plebis Dei famulus, clero & plebi in parochia Cameracensi consistenti. Quia defuncto dilecto & venerabili confratre ac confacerdote nostro, patre videlicet ac pastore vestro Ioanne, necesse est ut de eligendo atque constituendo vobis pastore & doctore atque rectore secundum ecclesiasticas regulas votis nostris in unum Domino mediante convenientibus, praemissis juniis ac litaniarum obsecrationibus, tractare quantocius maturetis, & exorato eo a quo est omne datum optimum & omne donum perfectum, qui que facit unanimes habitare in domo, ita vos una cum studiis hujus venerandi fratris ac coepiscopi nostri, cui secundum institutionem canonicam Visitatoris officium in Ecclesia cujus amore ac vigore fovemini delegavimus, in electione regulari concorditer uniat. Talem autem vobis futurum pastorem eligite qui merito vitae & scientiae doctrina vobis praesse valeat & prodesse, qui que a canonibus sacris non discreper. De cuius electione decretum canonicum unanimitate voto agere & sigillatim omnium vestrum manibus in praesentia hujus Visitatoris vestri roborare satagite.

Epistola Hincmari altera ejusdem argumenti, ad clerum & plebem Bellovacensem, in qua & formam recte electionis insinuat.

IV. Hincmarus sanctae metropolis Ecclesiae Remorum Episcopus ac plebis Dei famulus clero & plebi in parochia Bellovacensi consistenti. Quia defuncto dilecto vel venerabili confratre ac confacerdote nostro, patre videlicet ac pastore vestro Hodone, electione canonica a Domino nostro Rege vobis solita benignitate concessa, necesse erit ut de eligendo atque constituendo vobis pastore vel doctore atque rectore secundum ecclesiasticas regulas, votis nostris in unum Domino mediante convenientibus, praemissis juniis & litaniarum obsecrationibus, tractare quantocius maturetis, & exorato eo a quo est omne datum optimum & omne donum perfectum, qui que facit unanimes habitare in domo, ita vos cum studiis hujus venerandi fratris ac coepiscopi nostri, cui secundum institutionem canonicam Visitatoris officium in Ecclesia cujus amore